



# VODOVOD I KANALIZACIJA

JAVNO KOMUNALNO PREDUZEĆE  
75000 TUZLA, KULINA BANA 2

## TUZLA

---

TELEFONI: ++387/35, Direktor: 369-844; fax: 369-851. Dežurna služba: 369-800, 369-801, Rukovodilac RJ Vodosnabdjevanje: 369-808, Rukovodilac R.J. Održavanje: 369-816, Rukovodilac pogona kanalizacija: 369-803, Tehnička služba: Rukovodilac 369-807, priključci 369-810, 369-814, Služba za obračun i očitavanje vodomjera: Rukovodilac 369-831, reklamacije i prigovori: 369-836, 369-837, Rukovodilac finansijske službe: 369-825, Rukovodilac knjigovodstva: 369-827, Rukovodilac službe nabave: tel/fax 369-860, Pravna služba: 369-841, 369-843  
TRANSAKCIJSKI RAČUNI: 132-100-01650101-03 NLB banka, 338-300-22500471-33 UniCredit bank d.d., 161-025-00236400-14 Raiffeisen bank d.d. BiH, 199-050-00061658-03 Sparkasse bank, Filijala Tuzla, POŠTANSKI PRETNAC: 161;  
IDENTIFIKACIONI BROJ: 4209042590003, IDENTIFIKACIONI BROJ KOD UIO: 209042590003; Lipis u sudski registar: UIA - 3241/97 Kantonalni sud Tuzla.

---

Tuzla, 07.02.2019. godine  
Broj: 685/19

Na osnovu člana 69. stav (1) tačka b) i stav (2) tačka d), člana 70. stav (4) i člana 71. Zakona o javnim nabavkama Bosne i Hercegovine ("Sl. glasnik BiH broj 39/14, Pravilnika o javnim nabavkama JKP "Vodovod i kanalizacija" d.o.o. Tuzla) te Preporuke Komisije za javnu nabavku, u postupku javne nabavke Fizička i tehnička zaštita ljudi i imovine JKP "Vodovod i kanalizacija" d.o.o. Tuzla, direktor JKP „Vodovod i kanalizacija“ d.o.o. Tuzla donosi sljedeću:

### ODLUKU o poništenju postupka nabavke

#### Član 1.

Poništava se postupak javne nabavke u predmetu Fizička i tehnička zaštita ljudi i imovine JKP "Vodovod i kanalizacija" d.o.o. Tuzla, a koji je proveden u skladu sa Pravilnikom o postupku dodjele ugovora o uslugama iz Aneksa II dio B Zakona o javnim nabavkama, jer ni jedna primljena ponuda nije prihvatljiva za predmetnu nabavku, a sve u skladu sa članom 69. stav (2) tačka d) Zakona o javnim nabavkama BiH.

#### Član 2.

U skladu sa članom 70 stav (6) Zakona, JKP "Vodovod i kanalizacija" d.o.o. Tuzla će ovu Odluku objaviti na svojoj internet stranici [www.viktuzla.ba](http://www.viktuzla.ba) i to istovremeno sa upućivanjem Odluke ponuđaču koji je učestvovao u postupku nabavke.

#### Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama

### O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 101/19 od 07.01.2019. godine. Javna nabavka je provedena u skladu sa Pravilnikom o postupku dodjele ugovora o uslugama iz Aneksa II dio B Zakona o javnim nabavkama Procijenjena vrijednost javne nabavke bez PDV-a je 40.000,00 KM.

Poziv za dostavu ponuda za nabavku predmetne usluge objavljen je na web stranici ugovornog organa dana 08.01.2019. godine, te upućen na tri adrese u skladu sa članom 7. stav (3) Pravilnika o postupku dodjele ugovora o uslugama iz Aneksa II dio B Zakona o javnim nabavkama.

Kriterij za dodjelu ugovora je "najniža cijena".

Na osnovu Poziva za dostavu ponuda i tenderske dokumentacije izvršeno je javno otvaranje ponuda dana 22.01.2019.godine u 11:15 sati u prostorijama JKP "Vodovod i kanalizacija" d.o.o. Tuzla, 2. Oktobar br 1, Tuzla što je konstatovano i u zapisniku o otvaranju ponuda.

Komisija za javne nabavke imenovana Rješenjem broj 101/19 od 07.01.2019.godine je blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajući zapisnik.

Utvrđeno je sljedeće:

- da je ukupan broj pristiglih ponuda dvije (2).
- da su blagovremeno zaprimljene dvije (2) ponude
- da nije bilo neblagovremeno zaprimljenih ponuda
- da je ponudu dostavio ponuđač: Sword Security d.o.o. Sarajevo I Securitas d.o.o. Sarajevo
- Da je ponuda ponuđača Sword Security d.o.o. Sarajevo neprihvatljiva jer ne ispunjava kvalifikacioni uslov predviđen tačkom 7.2.4. b), a ponuda ponuđača Securitas d.o.o. Sarajevo nije prihvatljiva za Ugovorni organ u pogledu cijene ponude jer je znatno veća od ponude ponuđača Sword Security d.o.o. Sarajevo, što ukazuje na nerealnu ponudu.

Ponuđač Sword Security d.o.o. Sarajevo nije ispunio kvalifikacioni uslov predviđen pod tačkom 7.2.4 b) tenderske dokumentacije, odnosno nije dokazao da posjeduje dva vozila za dva interventna tima kako je to traženo u tenderskoj dokumentaciji.

Naime ponuđač Sword Security d.o.o. Sarajevo je kao dokaz za tačku 7.2.4 b) tenderske dokumentacije dostavio kopije dvije saobraćajne dozvole koje glase na vlasnika AUTO NUIĆ d.o.o. Mostar, čime nije dokazano da su dva automobila, navedena u dostavljenim saobraćajnim dozvolama, u posjedu odnosno dati na korištenje ponuđaču Sword Security d.o.o. Sarajevo. Ponuđač Sword Security d.o.o. Sarajevo nije dostavio popratni dokument kojim bi se dokazalo da navedene automobile koristi za svoje potrebe.

Obzirom na navedeno ponuda ponuđača Sword Security d.o.o. Sarajevo se smatra neprihvatljivom.

Ponuda ponuđača Securitas d.o.o. Sarajevo nije prihvatljiva jer ponuđena cijena znatno odstupa od cijene ponuđača Sword Security d.o.o. Sarajevo, što ukazuje na nerealnu ponudu jer je očigledno da se tražena usluga može ugovoriti i za znatno manju cijenu ponude.

Ugovorni organ u skladu sa članom 3. Zakona o javnim nabavkama treba osigurati pravičnu i aktivnu konkurenciju, u cilju najefikasnijeg korištenja svojih sredstava, a u konkretnom slučaju navedeni princip nije ispoštovan, s obzirom na cijene dostavljenih ponuda, koje znatno odstupaju jedna od druge. Imajući navedeno u vidu ni jedna dostavljena ponuda ne može se smatrati prihvatljivom.

Nadalje, u postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom i tenderskim dokumentom, čime su se stekli zakonski uslovi za poništenje postupka javne nabavke.

Na osnovu svega navedenog, a u skladu sa odredbom člana 69. Stav (2) tačka d) Zakona o javnim nabavkama BiH (Sl.glasnik BiH 39/14), donesena je Odluka kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba, najkasnije u roku od 5 (pet) dana od dana prijema u skladu sa članom 101. tačka 5. Zakona o javnom nabavkama BiH.

Dostavljeno:

- Ponuđaču
- Pravna služba
- a/a

Direktor  
mr. sci. Aid Berbić, dipl. pravnik

